

四庫全書

經部

欽定四庫全書

春秋平義卷九

秀水俞汝言撰

襄公

名午成公之子母定姒夫人敬歸四歲即位
在位三十一年諡法因事有功曰襄辟土有

德曰
襄

元年春王正月公即位

仲孫蔑會晉欒黶宋華元衛甯殖曹人莒人滕人薛人

圍宋彭城

楚已取彭城封魚石戍之三百乘矣則曷為繫之宋

楚不得取之宋魚石不得受之楚

胡于是為宋討魚

石故稱宋

左傳

夏晉韓厥帥師伐鄭仲孫蔑會齊崔杼曹人杞人

次于鄆

料前軍能獨當鄭者諸侯之師且止晉悼舉止安閑

同符齊桓伯亦有真也

野編

以韓厥獨攻其前以五國

之兵援其後楚兵不出則一韓厥足以敵鄭而有餘

楚兵出則五國之師足以鬪楚而不懼此皆所以謹

用諸侯而不忍輕鬪其民也

趙氏

秋楚公子壬夫帥師侵宋

侵宋所以救鄭也

九月辛酉天王崩

簡王崩子
靈王立

邾子來朝

冬衛侯使公孫剽來聘

晉侯使荀瑩來聘

二年春王正月葬簡王

五月
而葬

鄭師伐宋

楚令也 公言起師公然伐宋

野編

夏五月庚寅夫人姜氏薨

襄公母齊姜

六月庚辰鄭伯踰卒

成公卒子僖公髡頑立

晉師宋師衛甯殖侵鄭

聞之先師曰三國成師以出不以伐而以侵者正避

鄭之喪也晉悼公豈伐喪者耶

日抄

秋七月仲孫蔑會晉荀偃宋華元衛孫林父曹人邾人

于戚

謀鄭也

晉修會盟嘗在戚地晉方新合諸侯則同

盟于戚晉悼謀鄭則會于戚城虎牢則會于戚通吳

制楚則會于戚戚本孫氏之食邑忽為諸侯之孔道

莫非晉親林父以示重也

列國論

己丑葬我小君齊姜

三月而葬

叔孫豹如晉

穆叔

通嗣君也

左

冬仲孫蔑會晉荀瑩齊崔杼宋華元衛孫林父曹人邾人滕人薛人小邾人于戚遂城虎牢

二戚之會謀鄭也虎牢何以不繫鄭前此鄭人奄有武公之畧今築以為塞虎牢者天下之虎牢非

鄭虎牢也

野編

城虎牢不繫之鄭者時鄭從楚為中

國守險以制鄭非為鄭而城之也戊虎牢而繫之鄭者鄭已從晉故置兵守衛以拒楚是為鄭而戊

之也

辨義

楚殺其大夫公子申

此城濮鄢陵之罰城虎牢之效也左氏以申為右司

馬多受小國之賂以逼子重子辛楚人殺之

野編

三年春楚公子嬰齊帥師伐吳

吳楚爭強自此始

不得志于宋則移師東伐矣莫善于鬪吳楚

野編趙鵬

飛曰自晉厲公會吳于鍾離而吳無仇晉之心楚有

患吳之意楚之兵力既分于吳而不能專向中國此

諸侯之患得以少紓吳既受楚兵則亦不能無求于

中國故戚之會吳不召而自至自是天下之勢遂成
鼎足晉楚吳是也吳既附中國則楚實孤終春秋之
世楚無一日安枕者吳倚其東也

公如晉

夏四月壬戌公及晉侯盟于長檣

晉地

去其國而與公盟悼公之敬也

孔義

公至自晉

六月公會單子晉侯宋公衛侯鄭伯莒子邾子齊世子

子光已未同盟于鷄澤

衛地

同外楚也虎牢城而鄭成三駕之績五會之信七合

之威自鷄澤始

野編

陳侯使袁僑如會

陳請服也

戊寅叔孫豹及諸侯之大夫及陳袁僑盟

諸侯在而大夫自為盟始

于此

陳自辰陵即楚二十八年矣今始如會故使大夫盟

而固之

義孔

諸侯皆在是又稱叔孫豹及諸侯之大夫

大夫受命于其君之詞也溴梁者諸侯皆在是而大

夫盟其非受命而專之也

林意

悼公所以伯諸侯在得

陳得鄭然鄭以君會而陳以臣至鷄澤之盟以諸侯

盟鄭之君戊寅之盟以大夫盟陳之臣袁僑至而無

以盟之則諸侯之心不固故以大夫盟之則晉無屈

已之辱僑無抗君之罪此吾所以見悼公之賢也

木訥

秋公至自會

冬晉荀瑩帥師伐許

討不會鷄澤也

野編

許自新城以來不與中國會盟四

十餘年矣為鄭虐而遷棄依楚豈能一旦叛楚哉宜

許之終不服

孔義

四年春王三月己酉陳侯午卒

成公卒子哀公溺立

陳成歸而卒于中夏諸侯會葬之賢于鄭成遠矣木訥

夏叔孫豹如晉

報荀瑩之聘也

元年

秋七月戊子夫人妣氏薨

妣公作弋成公妾襄公母杞姓一曰莒女

葬陳成公

八月辛亥葬我小君定妣

公作弋

踰月而葬蓋禮畧也

詩氏

冬公如晉

陳人圍頓

頓近于陳僖二十五年楚人圍陳納頓頓為楚與故

陳不敢伐今陳事晉楚使頓間陳而侵之陳人圍頓

孔義

五年春公至自晉

夏鄭伯使公子發來聘

子產父

終春秋鄭聘魯惟此

孔義

叔孫豹鄆世子巫如晉

是鄆世子耶從大夫後殆非世子也

野編

仲孫蔑衛孫林父會吳于善道

公穀作稻吳地

將為戚之會故先之以魯衛

野編

秋大雩

楚殺其大夫公子壬夫

壬夫以侵欲失陳討而誅之則志不在小夷狄之有

威刑中國之憂也故謹而志之

義歸

公會晉侯宋公陳侯衛侯鄭伯曹伯莒子邾子滕子薛

伯齊世子光吳人鄫人于戚

衛地

吳來會非為主也

伊

成九年為蒲之會將以會吳而

吳不至故十五年諸侯之大夫會之于鍾離前三年

會鷄澤使荀會逆吳子又不至今年吳子使壽越如
晉請聽諸侯之好故晉使魯衛先會之而為戚之會
凡序吳者來會也殊吳者往會之也義春秋則輕之
齊世子之下鄆世子之上是吳人也野編

歸義曰楚初以親中國為榮引入中國而鹿上執宗
公矣吳初亦以親中國為榮引入中國而黃池爭先
晉矣

公至自會

冬戍陳

諸侯受命于戚還國遣戍故獨書魯戍陳附中國而

楚爭之助陳距楚春秋所與也

孔義

楚公子貞帥師伐陳公會晉侯宋公衛侯鄭伯曹伯齊

世子光救陳

公穀曹伯下有莒子邾子滕子薛伯

善救陳也

十有二月公至自救陳

辛未季孫行父卒

文子

六年春王三月杞伯姑容卒

桓公在位七十年
卒子孝公勾立

夏宗華弱來奔

平公以其為樂轡梏于朝也而逐之

秋葬杞桓公

杞始書葬始能通也

日抄

滕子來朝

莒人滅鄆

莒人以兵破鄆立其子使守之而為附庸其子或鄆

之外孫故當時有鄆甥守祀之說後至昭四年魯復

取鄆

趙經

書曰滅公穀以為非滅也立莒公子以為

後也胡氏從之以昭四年魯國有取鄆之文耳不知
昭四年之取鄆猶之昭元年之取鄆皆取之莒也季
氏曰公穀所載是絕世之辭不得混于滅國之例而

無別也

畧記

冬叔孫豹如邾

公即位邾子來朝

季孫宿如晉

武子行
父子

十有二月齊侯滅萊

自宣七年伐萊至是遂滅之

孔義

萊姜姓齊滅萊不名

則例之說不通矣

日抄

七年春邾子來朝

夏四月三卜邾不從乃免牲

小邾子來朝

城費

有城費斯有墮費城者罪也

野編

秋季孫宿如衛

八月螽

冬十月衛侯使孫林父來聘壬戌及孫林父盟

報季孫宿之聘尋孫良夫之盟也

孔義

楚公子貞帥師圍陳

十有二月公會晉侯宋公陳侯衛侯曹伯莒子邾子于

鄆

穀作陽
鄭地

謀救陳也陳侯逃歸不成救故不書義孔

鄭伯髡頑如會未見諸侯丙戌卒于鄆

頑公穀作原鄆作操鄭地僖公

卒簡公

嘉立

于狸服善公孫也于鄆善鄭伯也沙隨魯之故于鄆天下之故大夫死國事諸侯死王事此死所也何必牖下丙戌覺矣其輿疾而至者與如會未見諸侯有草蟲之思焉編野未見諸侯而曰如會者致其志也鄭僖公之卒三傳以為弑趙鵬飛氏以為未嘗弑豈當

時事有難明賊無所歸有不得不從赴告之文者乎

孔義王氏曰九年子駟與晉爭盟詞不少屈而晉人不

以弑君為討則子駟之不弑君可見

畧記

陳侯逃歸

逃陳以義晉也莫恥于逃也陳侯之生不如鄭伯之

死

野編

八年春王正月公如晉

夏葬鄭僖公

二傳言鄭伯將會中國其臣欲從楚不勝其臣殺而死然侵蔡者鄭人會邢丘者鄭簡未從楚也僖不被

弑編野

鄭人侵蔡獲蔡公子燮

濕 穀作

季孫宿會晉侯鄭伯齊人宋人衛人邾人于邢丘

君在也諸侯至者會不至者以大夫聽命此邢丘之

格也是時公在晉季孫宿實會蓋公歸矣編野諸侯與

國為我敵體維大夫可以命又于政體甚便雖以魯

襄在晉特不令其與會也不令與會者優之也

義辨

公至自晉

莒人伐我東鄙

此莒人以兵滅鄆明矣孰謂以其子繼鄆而滅鄆耶

日抄

秋九月大雩

冬楚公子貞帥師伐鄭

鄭及楚平

野編

此鄭又從楚之始

義孔

晉侯使士匄來聘

拜公之辱告將用師于鄭

孔義

九年春宋災

公作火

夏季孫宿如晉

報范宣子之聘也

五月辛酉夫人姜氏薨

成公母

秋八月癸未葬我小君穆姜

公作繆四月而葬

冬公會晉侯宋公衛侯曹伯莒子邾子滕子薛伯杞伯

小邾子齊世子光伐鄭

十有二月己亥同盟于戲

不異言鄭鄭不與盟

野編

楚子伐鄭

明年諸侯伐鄭則鄭及楚平可知矣

孔義

十年春公會晉侯宋公衛侯曹伯莒子邾子滕子薛伯

杞伯小邾子齊世子光會吳于柎

楚地

吳子在柎晉以諸侯往會之

孔義

夏五月甲午遂滅偃陽

偃穀作偃

偃陽楚與國吳晉往來之道義孔會吳之意常在楚

野編

偃陽妘姓小國

石介

公至自會

楚公子貞鄭公孫輒帥師伐宋

晉師伐秦

晉人東連吳楚人亦西結秦

野編

秋莒人伐我東鄙

公會晉侯宋公衛侯曹伯莒子邾子齊世子光滕子薛

伯杞伯小邾子伐鄭

此三駕之一

齊世子光人臣而上位滕薛之上以其先至而躋之也抑隱桓諸侯皆序爵伯者作而後小國躋大國之上則有子男長伯者矣若以世子長小國之君則悼

公為之也

張溥列國論

冬盜殺鄭公子騂公子發公孫輒

騂公穀作斐書盜始此

卿失職也程氏不稱大夫義不繫于大夫也此時宜問盜

不必問他卿失職

野編

戊鄭虎牢楚公子貞帥師救鄭

前年城虎牢今戊之實鄭虎牢不書戊鄭虎牢不知

城者之為鄭虎牢也不書楚公子貞帥師救鄭不知

戊虎牢之為偏鄭非為鄭戊也

野編

城虎牢不係之鄭

欲共拒楚天下之詞也戊繫之鄭者為鄭戊之也一

國之詞也楚本爭鄭救非善之書救陳見晉之終失

陳書救鄭見楚之終失鄭

孔義

公至自伐鄭

十有一年春王正月作三軍

此三分魯也初為三軍各征其軍季氏盡征之叔孫氏臣其子弟孟孫氏取半焉公猶收其剩也野編詩何

以言公徒三萬公車千乘也曰詩人之意舉其大畧且萬二千五百人為軍則二軍者二萬五千人詩人之辭但形容其大耳豈必計其實數哉若三軍則為三萬七千五百人當言四萬矣曰陳氏又謂至成公

而季孫行父臧孫許叔孫僑如公孫茲伐齊以四卿
于鞏之戰計之魯似有四軍也曰周禮國有一卿一
軍之說鞏之戰特四卿並將耳或二卿合將一軍四

卿則將二軍

或問

夏四月四卜郊不從乃不郊

鄭公孫舍之帥師侵宋

公會晉侯宋公衛侯曹伯齊世子光莒子邾子滕子薛

伯杞伯小邾子伐鄭

此三駕之二

秋七月己未同盟于亳城北

亳公穀作
京鄭地

不異言鄭鄭又不與盟以鄭非盟可要也故蕭魚亦

不盟

野編

公至自伐鄭

楚子鄭伯伐宋

公會晉侯宋公衛侯曹伯齊世子光莒子邾子滕子薛

伯祀伯小邾子伐鄭會于蕭魚

此三駕之三
鄭地

三駕七合終此鄭服矣楚再侵宋晉再伐鄭鄭成則

去之于晉未病楚不能矣止鄭一卿無若鄭何亦克
有鄭二十餘年厲以亟戰弑悼以不戰伯故爭者事
之未也不爭莫與爭野編

公至自會

楚人執鄭行人良霄

袁作
霄

楚人執鄭行人良霄則鄭之服晉可知矣至是楚不
復出師爭鄭而鄭不敢背晉者二十四年此晉悼之
績也義不能伐鄭而執其行人無能為也晉已得鄭

矣

野編

冬秦人伐晉

晉為秦所敗春秋畧而不書不與秦人之為楚而救

鄭也

家氏傳

左傳書晉敗績而經不書者無傷晉之大體也

日抄

十有二年春王三月莒人伐我東鄙圍郕季孫宿帥師

救郕遂入郕

郕殺作台郕公作運郕魯邑

夏晉侯使士魴來聘

來拜師也

秋九月吳子乘卒

吳始書卒壽夢卒諸樊立

冬楚公子貞帥師侵宋

公如晉

十有三年春公至自晉

夏取郛

公作詩

秋九月庚辰楚子審卒

共卒康立

冬城防

臧氏邑

防在齊南而近莒城防以備莒亦備齊也

義孔

十有四年春王正月季孫宿叔老會晉士匄齊人宋人衛人鄭公孫薑曹人莒人邾人滕人薛人杞人小邾人

會吳于向

地鄭

吳為楚敗會吳謀楚也

義孔

卿在也諸侯之卿至者會

鄭公孫薑是不至者以微者受事此于向之格也

編野

二月乙未朔日有食之

夏四月叔孫豹會晉荀偃齊人宋人衛北宮括鄭公孫

蠆曹人莒人滕人薛人杞人小邾人伐秦

公蠆作蠆秦
晉兵爭止此

卿在也諸侯之卿至者會伐衛北宮括鄭公孫蠆是
不至者以微者于役此伐秦之格也簡易如此故會
數而不厭兵屢出而人不言疲誠得其理也

野編

自是

一伐終春秋之世秦不敢復侵晉

讎

趙子嘗曰齊宗

大夫稱人者齊宗大夫不進師也悼公以諸侯之師

伐秦庶幾能張中國之勢討秦人黨楚之罪而齊宗

大夫不進師則悼公之令外不行于列國矣苟偃欲

進而樂厲先歸則悼公之令內不行于臣子矣故荀

偃得從其恒稱譏不在荀偃也

辨義

已未衛侯出奔齊

公侯下有衍字獻公出衛人立公孫剽

傳曰衛孫林父甯殖逐其君衍名在諸侯之策此何

以不書春秋削之削之何義也夫君臣之變不宜數

見數見則常矣出者猶可入也不如以自奔為文

野編

叔武攝位而鄭不名剽篡國而衍不名其不名也同

而所以不名者異叔武稱子而剽稱侯稱子者讓之

之意也稱侯者墓之之實也

林意

莒人伐我東鄙

報入鄆之役至十六年魯訴于晉溴梁之會晉人執

而釋之二十年為向之盟而魯始無東鄙之患

木訥莒

自滅鄆之後四伐魯矣

孔義

秋楚公子貞帥師伐吳

冬季孫宿會晉士匄宋華閱衛孫林父鄭公孫薑莒人

邾人于戚

戚林父邑也林父出衍立剽諸侯共定之驛君助臣

悼之伯業衰矣野編諸國書卿明皆林父之儔也高氏集註

十有五年春宋公使向戌來聘

二月己亥及向戌盟于劉魯地

報豹之聘尋亳之盟不言公伉也孔義下書劉夏逆王

后于齊二字恐亦傳寫誤爾野編

劉夏逆王后于齊

過我也野編

夏齊侯伐我北鄙圍成公救成至遇

成遇皆魯地

晉悼會諸侯者六齊靈皆不親行衛侯奔齊而戚之會以定衛而齊不與焉益輕晉矣故遂有北鄙之師

孔義

季孫宿叔孫豹帥師城成郭

城齊所壞

野編

秋八月丁巳日有食之

邾人伐我南鄙

邾二晉與齊黨莒也

孔義

冬十有一月癸亥晉侯周卒

悼公卒子平公彪立

起即位至卒十有六年此晉悼公之伯也

野編

十有六年春王正月葬晉悼公

踰月而葬

三月公會晉侯宋公衛侯鄭伯曹伯莒子邾子薛伯杞

伯小邾子于濩梁戊寅大夫盟

梁地

何以不言諸侯之大夫制在大夫也公在而大夫盟也文七年扈之會書大夫盟盡靈成景厲今茲濩梁

之會又書大夫盟盡平昭頃定中通襄悼二伯依約
言之皆五世也故曰自大夫出蓋五世希不失矣此
之謂也編野後傳曰凡霸在焉而但曰諸侯者無伯也
君在焉而但曰大夫盟無君也自文而下有斥諸侯

而不序自襄而下有斥大夫而不序

通說

晉人執莒子邾子以歸

執以歸
始此

齊侯伐我北鄙

齊既叛晉又以公討邾莒也

孔義

夏公至自會

五月甲子地震

叔老會鄭伯晉荀偃衛甯殖宋人伐許

君先卿卿先人不書會鄭伯若為書之

野編

秋齊侯伐我北鄙圍郕

應從公穀作成

大雩

冬叔孫豹如晉

十有七年春王二月庚午邾子貜卒

邶公穀作邾宣公卒悼公華立

宋人伐陳

伐許伐陳皆著楚之誑也

高氏

夏衛石買帥師伐曹

衛孫蒯越境田獵而遭曹人之詢辱故伐之

孔義

秋齊侯伐我北鄙圍桃

魯地

高厚帥師伐我北鄙圍防

桃公

作洮下公

穀有齊字

君臣分道入犯

野編

九月大雩

宗華臣出奔陳

華臣暴其宗室而亂宗政陳宗讐也而奔焉尤可誅

也

孔義

冬邾人伐我南鄙

邾人何為者齊伐其北邾伐其南蓋與齊應也

野編

十有八年春白狄來

夏晉人執衛行人石買

為伐曹故因其來執之非禮也

野編

秋齊師伐我北鄙

穀作齊侯

冬十月公會晉侯宋公衛侯鄭伯曹伯莒子邾子滕子

薛伯杞伯小邾子同圍齊

溴梁之會齊人不至起師五伐我蓋為我故伐之而

曰同圍齊天下共惡齊也

野編

曹伯負芻卒于師

成公卒子武公滕立

楚公子午帥師伐鄭

間晉之出

野編

十有九年春王正月諸侯盟于祝柯

公作阿齊地即晉楊

祝柯齊地師未違齊久于齊也

野編

晉人執邾子

為我故執之而邾自此弱矣

野編

公至自伐齊

取邾田自漵水

成元年晉人敗齊于鞏使齊人歸我汶陽之田書曰

取汶陽田不言齊魯地也本以晉命取田于邾故書

曰取邾田自郚水言非魯地也

蘇轍

季孫宿如晉

拜師也

葬曹成公

夏衛孫林父帥師伐齊

秋七月辛卯齊侯環卒

環公作環靈公卒子莊公光立

晉士匄帥師侵齊至穀聞齊侯卒乃還

至穀矣聞有喪而還宣子此行合乎道竟能有齊以

為澶淵之會

野編

八月丙辰仲孫蔑卒

齊殺其大夫高厚

殺高厚者崔杼也以國殺亦莊公所欲也自是大權

在杼矣

孔義

鄭殺其大夫公子嘉

公作喜

盜殺三卿公子嘉知而不言既又欲起楚師以去諸

大夫故楚人伐鄭至是嘉之為政也專子展子西率

國人殺嘉而分其室嘉則有罪矣而子展子西利其

室而分之故稱國以殺而不去其官

胡傳

冬葬齊靈公

城西郭

叔孫豹會晉士匄于柯

衛地

齊及晉平魯猶懼而自托于晉也

孔義

城武城

猶備齊

孔義

二十年春王正月辛亥仲孫速會莒人盟于向

速公作
避速獻

子之子孟莊
子向莒邑

孟莊子與之結盟迄二十年莒魯不交兵

日抄

夏六月庚申公會晉侯齊侯宋公衛侯鄭伯曹伯莒子邾

子滕子薛伯杞伯小邾子盟于澶淵

衛地

齊成也

秋公至自會

仲孫速帥師伐邾

蔡殺其大夫公子燮公子履出奔楚

燮公作濕

陳侯之弟黃出奔楚

黃公穀作光

澶淵之會獨陳蔡不與必諸大夫志在楚也

日陳蔡抄

終楚與也故其臣亦奔楚傳謂蔡司馬欲以蔡之晉

黃與之同謀果若傳言便當奔晉不應奔楚然則燮

何以稱大夫黃何以稱弟曰晉之里克亦稱大夫也

陳侯之弟招亦稱弟也未是褒詞蓋二公子自不容

于蔡二慶自不容黃視楚如歸是其罪也

野編

叔老如齊

復修齊好

野編

冬十月丙辰朔日有食之

季孫宿如宗

二十有一年春王正月公如晉

拜師及取邾田也

左傳

邾庶其以漆間丘來奔

春秋以地奔者三人邾庶其黑肱莒牟夷也唐有右

衛將軍之贈以待悉怛謀漢有不義之侯以待子密
于是二者何居曰維州彼夷此華來者無罪也漁陽
彼逆此順受其來者無罪也邾魯同盟者也不知其

可也

野編

夏公至自晉

秋晉欒盈出奔楚

不以范匄逐之為文而書盈之自出使盈無可逐之

釁則匄不得逐矣

林意

左傳所載欒祁以母譖子致滅

其族恐非人情不可信晉語云平公六年箕遺黃淵
嘉父作亂不克而死公逐羣賊問于陽畢畢曰樂書實
覆宗殺厲以厚其家若滅樂氏則民威而國安矣遂逐
樂盈以此觀之則因箕遺諸人以及樂盈非因樂盈以
及諸人也

畧記

九月庚戌朔日有食之

冬十月庚辰朔日有食之

歷家以百七十三日為一交會未有頗月交會者而襄

二十一年九月十月二十四年七月八月頻食漢高
祖三年十月十一月頻食至今千餘年未有頻食者
故知天度有時而變其常所以為異也

家氏傳本
但錄石氏比

月日食衍文

畧記

此與二十四年八月癸巳朔距前月

食朔去交三十一度定無再食之理非常之變亦不

至此並傳寫之誤

統記

曹伯來朝

公會晉侯齊侯宋公衛侯鄭伯曹伯莒子邾子于商任

公羊穀梁皆于是年附十有一月庚子孔子生

二十有二年春王正月公至自會

夏四月

秋七月辛酉叔老卒

冬公會晉侯齊侯宋公衛侯鄭伯曹伯莒子邾子薛伯

杞伯小邾子于沙隨

公穀邾子下有滕子

傳于商任沙隨皆曰錮藥氏也藥范交惡于國家未

有隙而再為徵會于諸侯此政在大夫之效也

野編

公至自會

楚殺其大夫公子追舒子

罪不至死故稱國以殺

蘇氏

二十有三年春王二月癸酉朔日有食之

三月己巳杞伯勾卒

孝公卒弟文公益姑立

夏邾畀我來奔

畀公作鼻

杜氏曰庶其之黨也未知是否

孔義

葬杞孝公

陳殺其大夫慶虎及慶寅陳侯之弟黃自楚歸于陳

二慶死而黃歸制在楚也

野編

晉欒盈復入于晉入于曲沃

欒盈自齊入曲沃自曲沃入絳而惟書復入于晉自

晉敗而奔曲沃而後書入于曲沃也盈之復入晉有

以激之也

孔義

秋齊侯伐衛遂伐晉

齊始伐
盟主

伐衛為援也本伐晉以應欒氏耳

野編

衛獻公奔齊而

晉不能納藥盈奔齊而晉再會諸侯區區錮一逐臣
晉之舉措不足以服其心矣故因藥氏之亂以報十八
年之役于是見晉伯之衰而齊侯之伐盟主為罪也義

八月叔孫豹帥師救晉次于雍榆

公穀作
渝晉地

己卯仲孫速卒

魯自仲遂殺嫡立庶公室于是失政魯卿自季孫宿
廢長立幼于是家臣效尤豐點廢秩立羯豎牛殺孟
丙立舍皆托廢立以擅權而三桓微矣作備之禍其

流弊可勝言哉

孔義

冬十月己亥臧孫紇出奔邾

武仲

傳言臧紇之奔事起以季悼子易季公鉏仲孫卒公鉏亦以周易秩使仇臧氏何如其知也如防請後致防奔齊與入曲沃者一間爾春秋沒不書然猶曰武仲要君

野編

晉人殺欒盈

晝入于絳賊也

野編

齊侯襲莒

夜入且于之隧亦賊也其目齊侯何也輕行掩人非

千乘之君所宜有事

野編

二十有四年春叔孫豹如晉

賀克藥氏也

孔義

仲孫羯帥師侵齊

孟孝伯

晉故也雍榆之次懼晉疑也

孔義

夏楚子伐吳

楚自是急吳不爭鄭矣

孔義

秋七月甲子朔日有食之

齊崔杼帥師伐莒

大水

八月癸巳朔日有食之

比月又食

野編

公會晉侯宗公衛侯鄭伯曹伯莒子邾子滕子薛伯杞

伯小邾子于夷儀

本邢地滅
邢為衛地

將伐齊而不克伐

野編

冬楚子蔡侯陳侯許男伐鄭

伐鄭所以救齊也

野編

公至自會

陳鍼宜咎出奔楚

陳人復討慶氏之黨其後在楚為鍼尹宜咎

孔義

叔孫豹如京師

是時穀洛鬪毀王宮齊侯叛晉求媚天子故為王城
邾而豹如京師賀焉自宣九年仲孫蔑如京師至是

五十餘年矣

孔義

大饑

二十有五年春齊崔杼帥師伐我北鄙

以報孟孝伯之師也

孔義

夏五月乙亥齊崔杼弑其君光

莊公弑弟景公杼曰立

杼之無君陳文子知之伐魯而孟公綽知之齊莊不寤也方且背諸侯之盟數行侵伐外競而內傾自然

之符也

孔義

公會晉侯宋公衛侯鄭伯曹伯莒子邾子滕子薛伯杞

伯小邾子于夷儀

公作陳儀

兩夷儀之會皆以報齊也而聞齊亂盍改為問罪之師乎不書伐齊所以治晉也此平之不得與于伯也

野編

六月壬子鄭公孫舍之帥師入陳

楚師之伐鄭也陳師獨暴故鄭報之

孔義

秋八月己巳諸侯同盟于重丘

齊地

亦同外楚爾

野編

公至自會

衛侯入于夷儀

獻

夏五月會夷儀之衛侯剽也此入于夷儀之衛侯衍
也不嫌兩君名實相亂乎曰衍雖無道非臣可逐剽
亦非臣下所得立故衍入不名

呂氏後傳

此與鄭伯突入

于櫟同而衛侯不名者鄭伯奪正不當入衛侯雖無

道非臣下所當逐可入也

孔義

楚屈建帥師伐舒鳩

舒鳩吳與國也

義孔

冬鄭公孫夏帥師伐陳

夏公作重

未得成也得成乃已

義孔

十有二月吳子遏伐楚門于巢卒

遏公穀作謁諸樊卒錄祭立

吳子伐楚而名何也名其卒也

蘇氏

門者伺其啟入焉

以示無畏士之勇也非王公之勇也

野編

二十有六年春王二月辛卯衛甯喜弑其君剽

此衛剽也以比鄭子儀則未應與弑例曰剽非儀比也儀雖在位然十四年中未嘗一與盟會也同未在位也剽異于是會于沙隨于邢丘于商任于夷儀盟于澶淵剽皆與焉社稷有奉諸侯安之即衛侯矣春秋所以惡甯喜也

野編

衛孫林父入于戚以叛

書叛始此

甲午衛侯衎歸于衛

辛壬癸甲四日而至

野編

程氏云輕重之志美惡之義

不可槩求之各繫其事也歸者未必盡善有以內外
有援故歸為易入者不必盡惡以內外有難故入為
難惟復入則甚惡也

通說

夏晉侯使荀吳來聘

為孫氏將討衛也黨叛臣而何以令諸侯乎

孔義

公會晉人鄭良霄宋人曹人于澶淵

晉以黨叛戍戚而見敗于衛乃其自取猶為此會以

勤列國之眾而不知自咎春秋所深惡也

補傳

桓魯之

重在卿君會非所重也晉人微者也此為林父疆戚
田爾故卿不會也獨鄭良霄至不可先晉不可後宋
書法如是而已野編林父據邑叛君平公反取衛田以
益林父由晉之諸臣各為私計諸侯之大夫互為羽
翊平固無如之何也家氏傳

秋宋公殺其世子痤

穀作座

寺人伊戾之譖也內嬖芮棄與左師向戌之證也而
目君季氏以為先有奪嫡之意而後小人興讒以為

之助是宋公有欲殺太子之心者也向戌小人不足
論是時樂喜為政而不能救不免於全身固寵矣

義孔

晉人執衛甯喜

孫甯等爾一以為賞一以為僇野晉人執之非討其

弑君也討其伐戚而殺晉戍也

高氏是時趙武為政叔

向為之謀而晉政無一可觀亦足以見二子矣

義孔

八月壬午許男甯卒于楚

靈公卒子悼公立

非其所也義孔請伐鄭而往

野編

冬楚子蔡侯陳侯伐鄭

為許故

野編

葬許靈公

說春秋者每于書葬輒云往會此許也孰為往哉然

則何以書曰卒于楚塋于許終前事也

野編

二十有七年春齊侯使慶封來聘

齊魯不通好者三十年景公即位來聘鄭不仇楚齊

魯釋怨此宗之盟所以輯也

孔義

夏叔孫豹會晉趙武楚屈建蔡公孫歸生衛石惡陳孔

貞鄭良霄許人曹人于宗

貞公作潁晉
楚始同主盟

于蜀之會先書楚公子嬰齊後書公及楚人不沒其
實也于宗書晉趙武楚屈建明乎為晉主會楚曷嘗
駕晉哉往歲伐鄭侵宋今也會于宗鄭人與焉自城
虎牢楚已弭帖久矣又有吳患非復猙獰故態也趙
武藩軍屈建衷甲經意無是也野編宋之盟向戌為之
也晉伯其衰矣戌其伯者之罪人乎邵發微曰中國

之事皆大夫專持之故二十九年城杞三十年會澶
淵昭元年會號諸侯莫有間者孔義曰以諸侯分為
晉楚之從而交相見于是始南北二伯天下之大變
也楚先軟而春秋先晉者尊中國也於溴梁無君臣
之分於宋無夷夏之防昭定哀之春秋將以終于吳
越焉爾矣

衛殺其大夫甯喜喜衛侯之弟鱣出奔晉

鱣殺作
專獻

衛殺其大夫甯喜喜專也衛侯之弟鱣出奔晉鱣與

喜要言也曰苟反國政由甯氏充子鮮之言放乎喜之專而止矣後之執不如術歸鱗出不見喜之誅滅也

野編

秋七月辛巳豹及諸侯之大夫盟于宗

諸侯之大夫為誰晉趙武楚屈建也不外楚于諸侯也野編荆楚之同主夏盟皆宗為之宗襄圖伯始進楚人于鹿上之盟二伯之端兆矣華元合晉楚之成盟于宗西門之外爭伯之業啟于此矣今向戌以善晉

楚之執政為弭兵之說而兩伯之勢遂成春秋兩書

宋為地主以首禍罪宋也

孔義

自宋之會天下皆大夫

專之

孫氏

冬十有二月乙亥朔日有食之

推歷當為十一月乙亥朔左氏傳亦作十一月足證

經文傳

寫之誤

二十有八年春無冰

夏衛石惡出奔晉

衛討甯氏之黨也

孔義

邾子來朝

邾每伐魯今其來朝蓋屈服也日抄

秋八月大雩

仲孫羯如晉

孝伯

告將如楚也

孔義

冬齊慶封來奔

盧蒲癸既道慶封殺崔杼而盧蒲癸王何復殺慶舍
逐慶封癸何皆莊公倖臣也莊公死倖臣從死者十

人而討賊者亦倖臣也莊固可鄙矣當時卿大夫寧

不可恥乎

孔義

十有一月公如楚

中夏之君始旅見于楚矣

孔義

我之事楚則不如事晉

矣仲孫如晉而公乃如楚其重在卿也楚子昭卒矣
据傳宋公亦不往蓋三卿專魯懼大國之為討故以

公說也

野編

十有二月甲戌天王崩

靈王崩
景王立

乙未楚子昭卒

康卒鄭
教慶立

二十有九年春王正月公在楚

公在楚罪叔孫豹也公在乾侯罪季孫意如也罪之

輕重不同其罪之均也

野編

夏五月公至自楚

庚午衛侯伋卒

獻公卒子
襄公惡立

閻弑吳子餘祭

弟餘
昧立

君不近刑人不邇怨吳子伐越獲俘以為閻其及宜

矣孔義

仲孫羯會晉荀盈齊高止宋華定衛世叔儀鄭公孫段

曹人莒人滕人薛人小邾人城杞

儀公作齊公穀莒人下有邾人

齊桓城緣陵淮夷之故也晉平城杞渭陽之情也人之

相去豈不遠哉

野編

齊城三國仲山甫之城東方也晉城

杞周平之戍申也學者讀烝民揚之水二詩即可以知

齊晉之得失矣

列國論

昭三年小邾穆公來朝季武子

欲卑之穆叔不可觀此則當時大國之待小國一崇一

卑在其好惡而已

辭

前志以為營丘即營陵即

緣陵辨義曰桓公遷杞謂杞子不能自存遷之宇下
以便擁護正須近乎臨淄蔡遷近吳許遷近楚二國
其證也熊氏過曰武王封東樓公于杞開封雍丘是
也入春秋後遷緣陵而濰州營丘已遷淳于因淳于
公長國故并之淳于即古州國今高密有淳于城故
昭元年祈午數晉之功曰城淳于又為七說以合之
本年傳晉侯使司馬女叔侯來治杞田弗盡歸也杞

國必在齊魯之間與營密近一也又女叔侯對晉平
公曰杞夏餘也而即東夷二證也二十三年杞成公
卒書曰子杞夷也三證也昭七年晉人來治杞田二
子將以成與之謝息不可竟與萊祚二山俱在齊魯
之境四証也杞在淳于故助城小國為曹滕邾皆東
方國既無西國定非雍丘五證也經哀公九年宋皇
瑗帥師取鄭師于雍丘左傳鄭武子賸之嬖許瑕求
邑無以與之請外取許之故圍宋雍丘蓋杞既遷緣

陵而宋得之六證也昭二十五年宋元公如晉行至
曲棘而卒曲棘為其封內故杞地今外黃城中有曲
棘里七證也城杞非雍丘而為淳于瞭然矣

晉侯使士鞅來聘

拜城杞也

杞子來盟

晉使魯歸所侵杞田故來盟

左傳

吳子使札來聘

吳始聘吳始
君臣並見

楚子使椒秦伯使術吳子使札一也

野編稱名大夫之

恒辭耳胡傳乃謂辭國生亂而貶之過矣夫札之辭

國在二十九年之後而貶之于二十九年之前無乃

加非其罪乎

私考

按文定之說本之劉絢張洽季子凡

四讓始之辭父禮也叔齊之道也繼之辭兄義也子

臧之道也終之不與為篡法也叔躬之道也此三讓

者得矣至于托使以亡是逃僚也逃僚何義哉苟欲

潔身必明嫡長之義使國有所歸而已無與焉可也

簡端錄

秋七月葬衛獻公

齊高止出奔北燕

北燕始見經

高止好事自為功且專故難及之

義孔

冬仲孫羯如晉

報士鞅之聘

三十年春王正月楚子使薳罷來聘

罷公作頗

報朝也楚聘魯者三至此書法與中國同

義孔

夏四月蔡世子般弑其君固

景公弑靈公般立

蔡侯為般娶于楚而通焉故及于弑君雖無道而罪

不及民故稱臣以弑

蘇氏

五月甲午宋災

宋伯姬卒

公穀無宋字

五月甲午宋災也宋伯姬卒不月不日自為一簡澶

淵之會亦曰宋災不曰伯姬卒

野編

天王殺其弟佞夫王子瑕奔晉

佞公作年

佞夫為人所立瑕佞夫黨也一死一亡亂庶幾已故
舜封弟而周公致辟其兄淮南驕恣罪之小者也視
舜佞夫不利社稷罪之大者也視周公若醪不誅則
如避之汜乎皇乎翟泉乎然則昌為書天王曰且如
致辟管叔亦只得書惟周公位冢宰

野編

秋七月叔弓如宋葬共姬

公共姬上有宋字
叔老子三月而葬

卿致女亦卿供葬矣

野編

鄭良霄出奔許自許入于鄭鄭人殺良霄

良霄自許入鄭伐公門不勝而死不言大夫惡之也不書復入位未絕也不書叛求復位未至叛也然而稱兵矣故其殺也從討賊之詞

孔義

冬十月葬蔡景公

七月而葬

晉人齊人宋人衛人鄭人曹人莒人邾人滕人薛人杞人小邾人會于澶淵宋災故

盟會不言所以于稷言之不言其故于澶淵言之于稷為惡而終之澶淵為善而不終野編急宋災者非為

共姬之死而來德其首倡弭兵也魯僖為成風而伐
邾不名救患晉平為悼夫人而城杞不名保小晉于
宋即果澶淵謀裁亦城杞類耳況予以盟宋而私厚

之也

傳

斷弑賊未討不書葬而蔡景公獨書刺天下之

諸侯也以世子而弑其君又天下之大變也而不討
澶淵之會會十三國之大夫而以宋災故故諸國之
卿貶而稱人魯卿諱而不書而特書其所為此春秋

大義聖人特筆也

孔義本胡傳及胡寧通旨

郝仲與曰自宋之

盟諸侯無兵車之會者三年矣二十九年會于杞城

杞也今年會于澶淵宋災也故經書詳其事

辨義

三十有一年春王正月

夏六月辛巳公薨于楚宮

非正也

秋九月癸巳子野卒

胡女敬歸之子

毀也

野編

己亥仲孫羯卒

冬十月滕子來會葬

諸侯始親來會葬

諸侯之喪士弔大夫送葬以諸侯會葬非禮也

義孔


癸酉葬我君襄公

十有一月莒人弑其君密州

展與立

莒人弑之也去疾也出展與也立

野編



春秋平義卷九

欽定四庫全書

經部

春秋平義卷十

詳校官監察御史_臣陳化龍

給事中_臣溫常綬覆勘

總校官原任中允_臣王燕緒

校對官庶吉士_臣盧燧

謄錄舉人_臣郭文鈺

欽定四庫全書

春秋平義卷十

秀水俞汝言撰

昭公

名稠襄公之子母齊歸夫人孟子在位二十五年在外七年凡三十二年謚法威儀恭明

昭曰

元年春王正月公即位

叔孫豹會晉趙武楚公子圍齊國弱宋向戌衛齊惡陳

公子招蔡公孫歸生鄭罕虎許人曹人于虢

鄭地弱公作酌齊惡

作石惡罕作軒
虢作潮叔作郭

此會乃楚公子圍帥諸侯之大夫尋宋之盟也經先趙武所以抑楚而存中國也宋之盟齊人不盟今齊

又從楚矣中國微弱可知也

高氏集註

三月取鄆

公作運

此伐莒取鄆也言伐莒疑于討莒亂直取鄆爾

野編

夏秦伯之弟鍼出奔晉

六月丁巳邾子華卒

悼公卒莊公穿立

夏荀吳帥師敗狄于大鹵

公作太原晉地

此戰也毀車崇卒變古戰法之始

孔義

秋莒去疾自齊入于莒

去疾是為著丘公

前言齊無知弑其君後言小白入于齊前言莒人弑其君後言去疾入于莒則不與弑之詞也前言衛侯入于夷儀後言衛甯喜弑其君前言齊陽生入于齊後言齊陳乞弑其君與弑之詞也故曰屬辭比事春

秋教也

陳氏後傳

莒展與出奔吳

公穀無與字

叔弓帥師疆鄆田

疆者正其界用師者備莒因莒亂也

孔義

莒邾悼公

未四月而莒

冬十有一月己酉楚子麇卒楚公子比出奔晉

麇公穀作卷邾

教卒靈立

或曰以申之會為中國諱也則弑賊不討如成宋亂宋灾故聖人皆明著其罪而又何以諱為也竊以列國冊書皆承其赴謂聖人因魯史舊文其說為長不

必更鑿也

義孔

書之為十三年乾谿之事起也

補程傳

公

子圍為麋之叔父而專楚國之政不臣之跡彰彰在人耳目故推其疑而以為弑君是實非弑也經亦書其實耳然則比何以出奔蓋麋之死圍因廢其子而自立比長次圍既不能制又恐見忌故出奔也

畧記郝

敬曰讀春秋而後知聖人不得已也亂臣賊子滔天之惡必致慎致詳然後直之稍涉微曖則委蛇含容寧從其疑至諸傳所書非禮猥瑣之事一切不書誠

不忍盡言伏讀而歎聖人天地之心博大寬仁之至也

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復季孫宿如晉

辭公而受季孫

野編

郭氏曰公如晉弔少姜之役晉以

非伉儷辭在晉未為失禮見公之妄動自取屈辱也

公既返遣宿將命以終其事亦禮之常公穀妄生意見非春秋之意按晉之拒公始于十三年此時初立固未有間之也

畧記

三年春王正月丁未滕子原卒

原公作泉成公卒悼公寧立

夏叔弓如滕五月葬滕成公

滕始書葬

卿共小國之葬過厚杜氏謂葬襄公滕子來會故魯

厚報之

補程傳

秋小邾子來朝

八月大雩

冬大雨雹

北燕伯款出奔齊

簡公多嬖寵欲去諸大夫而立其寵人燕大夫比以

殺公之外嬖公懼奔齊

孔義

四年春王正月大雨雹

公穀作雪

夏楚子蔡侯陳侯鄭伯許男徐子滕子頓子胡子沈子

小邾子宋世子佐淮夷會于申

楚子專會諸侯始此楚地

申之會晉之從諸侯齊魯曹衛皆弗與而淮夷與焉
是夷之令也無與諸夏事也

野編

楚圍求諸侯於晉大

國若齊秦次國如魯衛小國若曹邾皆不能致宋太
子後至則東諸侯終未肯以事晉者事楚也雖其臣
舉六王二公之事其君用齊桓而諸侯已知其不濟
宋鄭大夫亦幸其不能為吾患也則雖侈然一時亦

何能為哉

屬辭

楚人執徐子

徐既世事楚而又服于吳徐子又吳出也故楚人執

之孔

義

秋七月楚子蔡侯陳侯許男頓子胡子沈子淮夷伐吳

楚圍之暴不北犯中原東伐吳其猶憶號之會乎前

後凡三伐跳躑之勢盡于東嚮莫善于鬪吳楚

野申編

之會楚不能致魯衛曹薛邾杞至伐吳則中國諸侯

皆去惟屬楚者從亦可以觀人心矣

孔義

黃正憲曰楚

之與抗者晉所畏者惟吳今晉既已通好則思為拒

吳之計而拒吳之計先于絕中國之通吳者淮夷居

魯之間淮夷合則中國通吳之道絕宋鄭諸國合則

楚入中國之路通

辨義

王氏曰東遷之後天子受制于

諸侯文公之後諸侯受制于大夫申之會中國後天

子制于楚人故序楚子于諸侯之上

通說

執齊慶封殺之

慶封以襄二十八年奔魯齊讓而又奔吳吳與朱方

居之不曰楚執不與楚以討齊慶封也猶曰諸侯執

之焉耳

義孔

亦義殺也何以不曰殺齊慶封如殺陳夏

徵舒例曰夫使官為討捕是殺賊也以賊殺賊則相

殺而已矣

野編

遂滅賴

弃疾城賴也

野編

賴蓋依違吳楚之間者也

義孔

黃震曰

晉主夏盟所以抗楚也楚日以強而晉通吳于會正

結之以抗楚也自宋向戌謀弭兵合晉楚之成宋之

盟楚已先晉號之盟楚用舊書至今申之會晉遂不

敢復出而盡遜之楚矣皆宋之盟啟之也楚昔之所
仇者在晉今晉既遜之為盟主則所求者吳耳故一
出而執徐子者以徐為吳之出也伐吳而殺慶封以
慶封吳所封也而又滅賴亦以示威于吳也春秋之
有伯主正以楚之害中國今反遜楚為中國伯主此
莫大之變也

九月取鄆

鄆蓋至此始滅

野編

內凡云取者皆滅也襄六年經明

書莒人滅鄆以是夷其社稷而廢其宗廟鄆之役固

不可得而考必非附庸乎晉也

或問

冬十有二月乙卯叔孫豹卒

穆子

五年春王正月舍中軍

此中分魯也于是舍三從二季孫有其一孟氏叔氏

有其一以二當一明季之富也始貢于公民莫在公

而乾侯事起矣

野編

名雖舍實增之也

戴溪

舍中軍毀三

而為四也不曰作四軍而曰舍中軍蓋中軍既舍則

勢不得不二不得不二則不得不四以今之舍魯昔

之作季孫之罪著矣

簡端錄

四分公室季氏擇二仲孫

叔孫各一而叔氏無與焉時魯卿之有軍者意如也

與世叔要結也彼叔氏之父安得一軍而並之哉

或問

楚殺其大夫屈申

以為二於吳也

孔義

公如晉

昭公如晉者七見止者一及河五惟此年善往返而

以莒人之訴幾不免辱

孔義

夏莒牟夷以牟婁及防茲來奔

牟夷莒大夫以地叛雖賤而書名重地也牟婁本紀

邑隱四年為莒所取防茲莒二邑名襄二十一年公

如晉季氏納邾庶其今公如晉季氏又納牟夷庶其

牟夷邾莒之盜季孫宿魯之盜也以盜納盜又何怪

焉

孔義

秋七月公至自晉

戊辰叔弓帥師敗莒師于蚡泉

蚡公作潰穀
作貢魯地

秦伯卒

景公卒子
哀公立

冬楚子蔡侯陳侯許男頓子沈子徐人越人伐吳

越始
見經

吳楚徐越夷也蔡陳許頓沈變于夷者也夷自相伐
無與諸夏事也故子楚而人徐越所惡于夷者為滑

夏也

野編

自合晉楚之成諸侯不為晉伐楚而嘗為楚

伐吳未見兵之可弭徒為夷狄役耳

日抄

陳氏後傳通

吳以制楚者晉謀之失也通越以制吳者楚謀之失

也

孔義

此為楚通越制吳之始

六年春王正月杞伯益姑卒

文公卒
平公立

葬秦景公

秦始
書葬

秦入春秋至此始書葬

日抄

夏季孫宿如晉

納牟夷叛邑自結于伯國而免討也

孔義

葬杞文公

宋華合比出奔衛

宋公以伊戾而殺世子痤以柳而逐合比父子君臣
皆刑人敗之可畏也夫

孔義

秋九月大雩

楚遂罷帥師伐吳

楚虔三伐吳而終不得志

孔義

冬叔弓如楚

四年公會申將朝楚故以叔弓先之也

孔義

齊侯伐北燕

將納簡公也受賂而還故止書伐孔

義

七年春王正月暨齊平

燕暨齊平也

野編

齊將以正燕而納女及賂反求平焉

書曰暨齊平所以病齊也齊魯未嘗不平而何為平

乎

蘓氏

魯暨齊平也襄二十四年我侵齊二十五年齊

伐我齊魯之好遂絕是時齊將納燕伯恐魯之議其

後也左傳暨齊平齊求之也

暨齊平正文及齊平

及鄭平相似而下文又有叔孫婁如齊盟正與叔還

盟之事相類且左氏謂齊求之也正解齊魯之平癸

已以下方終齊燕之事

辨義

三月公如楚

叔孫婁如齊涖盟

婁公作舍

夏四月甲辰朔日有食之

秋八月戊辰衛侯惡卒

襄公卒子靈公元立

九月公至自楚

自如楚七越月矣

孔義

冬十有一月癸未季孫宿卒

武子子悼
子不見經

十有二月癸亥葬衛襄公

八年春陳侯之弟招殺陳世子偃師

夏四月辛丑陳侯溺卒

哀公卒是年楚滅陳十
三年復封陳惠公吳立

陳侯于留有欲立之意于偃師無欲殺之心招逆其

邪志而成之陳侯蓋不勝其大志也

孔義

叔弓如晉

賀廐祁也 楚成章華之臺則朝之晉成廐祁之臺

則朝之公自此亦有臺沼之樂矣郎園所自築也

畧記

楚人執陳行人干徵師殺之

陳公子留出奔鄭

偃師曰世子留曰公子別嫡庶也

高閑

秋蒐于紅

書蒐始此

蒐狩不書違禮必書桓莊之狩必言公昭定之蒐不言公事在三家師乘非復公有矣

孔義

桓莊之時皆稱

公者公志也昭定之時不書公者非公志也論其書

法不無微意耳若畧而不書是則刻求之過也

或問

陳人殺其大夫公子過

殺世子二人同事也招歸罪于過而殺之

孔義

大雩

冬十月壬午楚師滅陳執陳公子招放之于越殺陳孔

奭

公作
璞

殺陳世子偃師者招也陳侯之弟也欲易世子立公
子留者陳侯溺也過也奭也從之者也干微師行人

而已家禍移之國招實為之而獨生乎刑之失平楚

靈之為固無足道也

野編

葬陳哀公

黎氏曰與莊公四年齊侯葬紀伯姬同

辨義

九年春叔弓會楚子于陳

每楚入犯我輒往會之

野編

許遷于夷

楚遷之也夷一名城父本陳地滅陳故遷許于此

孔義

夏四月陳灾

公穀作火

閔陳而存之也。塋陳哀公亦當爾耳。

野編

秋仲孫矍如齊

自叔老聘齊至此二十年

杜註

冬築郎囿

十年春王正月

夏齊樂施來奔

子雅之子

齊樂施高疆皆嗜酒而惡陳氏鮑氏陳鮑及其醉而

攻之不勝遂來奔高疆不書非卿也

蘇氏

秋七月季孫意如叔弓仲孫矍帥師伐莒

武子孫平子

戊子晉侯彪卒

平公卒子昭公夷立

九月叔孫婁如晉葬晉平公

婁公作舍三月而葬

十有二月甲子宋公成卒

成公作戌平公卒子元公佐立

無冬闕文

杜預

十有一年春王二月叔弓如宋葬宋平公

二月公作正月三月而葬

夏四月丁巳楚子虔誘蔡侯般殺之于申楚公子棄疾

圍蔡

度救或作乾

楚子虔何以書不信也不信以幸雖得千乘之國不

為也雖討捕弑父賊寧佚賊也野編以棄疾圍蔡繼之

楚虔誘般之下見楚欲滅蔡非討賊耳孔義

五月甲申夫人歸氏薨

昭公母敬歸之姊襄公妾也

大蒐于比蒲

魯地

喪不廢蒐非禮

仲孫纘會邾子盟于侵祥

公作侵羊

高氏曰始也盟蔑盟趙皆魯君也自是皆大夫與盟

矣

孔義

秋季孫意如會晉韓起齊國弱宋華亥衛北宮佗鄭罕

虎曹人杞人于厥慤

意公作隱厥慤公作屈銀

謀救蔡也晉人使狐父請蔡于楚弗許而止此韓起

之罪也

孔義

會于厥慤天下同患楚矣

野編

九月己亥葬我小君齊歸

冬十有一月丁酉楚師滅蔡執蔡世子有以歸用之

有穀

友作

父為人誘殺應無降理子死于父可以為子矣故曰
世子有也

野編

春秋書滅國未有如此其暴者書誘書

殺書圍書執書用聖人傷中國之微而戎狄之暴也

孔義

十有二年春齊高偃帥師納北燕伯于陽

燕地

款播越在外十年矣藉齊之力僅能納于別邑蓋為
強臣所拒也不名者諸侯失國諸侯納之正也不以

高偃摯燕伯也

孔義

三月壬申鄭伯嘉卒

簡公卒子定公寧立

夏宋公使華定來聘

公如晉至河乃復

季孫氏使不得遂乎晉也

穀梁

五月塋鄭簡公

三月而塋

楚殺其大夫成熊

公作然穀作虎

秋七月

冬十月公子慙出奔齊

慙公作整

慙何以出南蒯請以費為公臣以慙更季孫事泄而

出也

野編

此則季氏之仇而魯忠臣矣

權衡

楚子伐徐

楚雖執徐子而徐終不服楚徐雖同楚伐吳而吳終厚徐僖公以來勢重在楚徐不能舍楚而事齊昭公以來勢重在吳徐不能舍吳而事楚也

列國論

晉伐鮮虞

曰晉狄之也曷為狄晉陳蔡方亂晉師不出已矣而

惟狄之求是狄而已矣

野編

屬辭文十年秦伐晉成三

年鄭伐許楚合諸侯于申伐吳滅陳誘蔡侯般殺之
滅蔡而晉人方以詐滅肥伐鮮虞甘心于羣狄故伐
鮮虞稱國責其棄中國于楚非復諸侯之盟主也蓋
狄秦則諸侯之從楚者絕意于中國矣狄鄭則諸侯
之反覆乎晉楚之間者不足賴矣至于狄晉則天下
諸侯皆楚之從而晉之為盟主也未矣此春秋所以

治在夷狄也 以為遠者有不可得而詳也事之小者亦然皆非所以為褒貶輕重也以晉伐鮮虞而書之則荀吳帥師伐鮮虞何以不救之也或問居仁曰夫事有大小則地有詳畧晉伐鮮虞其事則關乎天下故書晉畧辭也書楚書吳皆畧之之辭爾

十有三年春叔弓帥師圍費

家臣以邑叛不書叛書大夫圍則邑叛可知矣克之

不書非他國邑也

孔義

夏四月楚公子比自晉歸于楚弑其君虔于乾谿

穀作溪楚

地

比入楚而虔在乾谿以虔由比死原起書弑然比若

為稱公子明乎未君也嗚呼已受天下惡名而人收

其利見利而動者亦知懼哉

野編

弑虔繇衆亂而所恃

為主者棄疾也何以歸獄于比曰比已立也虔兄也

比弟也虔君楚國比自外歸為君而虔死不曰弑可

乎

孔義

楚公子棄疾殺公子比

殺公作弑

虔之縊非比令也而比實逼之故曰比弑比之自殺
非棄疾令也而棄疾惴之故曰棄疾殺虔君也比臣
也下殺上曰弑比棄疾皆公子兩下相殺曰殺簡端錄
秋公會劉子晉侯齊侯宋公衛侯鄭伯曹伯莒子邾子
滕子薛伯杞伯小邾子于平丘

八月甲戌同盟于平丘

晉自城杞之役于今十六年不得齊自難澤之盟于今

四十二年不勤王是盟也晉昭公欲修文襄之業納諸侯以承天王且服齊也鄭止齊曰晉之合諸侯止此

公不與盟

黑壤之曲全在魯故諱而不書沙隨平丘之曲雖在晉然沙隨以僑如之譖魯實無罪平丘以邾莒之訴魯亦不能無責故不見公與公不與亦小不同也李氏晉人執季孫意如以歸

公至自會

蔡侯廬歸于蔡陳侯吳歸于陳

廬隱太子有之子
吳悼太子之子

厥愆之會為楚虔所厭平丘盛矣會者十有三國革
車四千乘天子之老元戎十乘受邾莒之訴治魯君
臣大邦畏其力小邦懷其德方城之外若蔡若陳棄
疾因之以敝虔安知晉不因之以敝楚固能使楚封
而復之非楚歸兩侯平丘之功也抑亦可以為伯矣
蔡侯廬歸于蔡陳侯吳歸于陳此之謂序績野陳編
蔡之復雖楚復之實晉之力晉乘楚亂而合諸侯于

平丘故懼而復陳蔡陳蔡之廟復血食者晉也

木訥

冬十月葬蔡靈公

蔡滅五年今廬復國故靈公始得葬

日抄

公如晉至河乃復

吳滅州來

楚邑

間楚之亂也

野編

十有四年春意如至自晉

三月曹伯滕卒

武公卒子平公頃立

夏四月

秋葬曹武公

八月莒子去疾卒

著丘公卒于郊公立是年奔齊著丘公之弟庚與立是為共公

春秋于莒卒惟此一書

孔義

冬莒殺其公子意恢

十有五年春王正月吳子夷末卒

末公作昧子僚立

二月癸酉有事于武宮籥入叔弓卒去樂卒事

夏蔡朝吳出奔鄭

朝公作昭無出字

朝吳為蔡忠臣楚之讒人費無極害其寵也

孔義

六月丁巳朔日有食之

推歷當為五月丁巳朔

秋晉荀吳帥師伐鮮虞

冬公如晉

平丘之會故也

孔義

十有六年春齊侯伐徐

晉伯既衰齊侯始欲爭伯徐楚之與國也

孔義

楚欲閉

吳而徐通之則楚師集于徐齊欲通吳而楚執徐以

斷之則齊師亦集于徐吳與中國非徐莫往來也久

而滅徐勢所必然

列國論

楚子誘戎蠻子殺之

蠻公作曼戎蠻子嘉

楚子之誘一也或名或不名何也夷狄相殘畧之也

孔義

夏公至自晉

踰三時而始返諱不書止公考其時則事著矣

孔義

秋八月己亥晉侯夷卒

昭公卒子頃公去疾立

平丘一會足以殿伯功也五伯備矣

野編

九月大雩

季孫意如如晉

冬十月葬晉昭公

三月而
葬速

十有七年春小邾子來朝

夏六月甲戌朔日有食之

推歷當為九
月甲戌朔

秋邾子來朝

自襄七年朝魯于是復至

孔義

八月晉荀吳帥師滅陸渾之戎

陸公作賁公穀無之字

以其睦于楚也自是凡滅稱大夫矣滅不書大夫者

吳也

孔義

按用師郊圻之側使警戒備不虞震驚王室

乎晉之不恭孰大于是

冬有星孛于大辰

大辰心也心為天王前星太子後星庶子後五年景

王崩劉單立王猛為東王尹召立子朝為西王

野編

楚人及吳戰于長岸

楚邑

吳屢受楚兵襄二十五年吳雖伐楚門于巢卒兵亦
未必至楚也至是始入楚境自後楚日削吳日張矣

木訥

十有八年春王三月曹伯須卒

平公卒子悼公午立

夏五月壬午宋衛陳鄭灾

灾而加異四國同日

野編

六月邾人入郕

鄆妘姓小國

秋葬曹平公

冬許遷于白羽

自葉遷也楚遷之而以自遷為文者許畏鄭而樂遷

也

孔義

十有九年春宋公伐邾

為邾故伐之元公舉事近正

野編

邾夫人宋向戌之女

也

孔義

五月戊辰許世子止弑其君買

親有疾召醫而弗擇進藥而弗嘗也謂之不孝况自
為之樂乎飲止藥而死是死于藥也非止而誰雖然
止悔而奔以死非不孝子也而不知重其親不知重
其親無父之漸于是乎在故春秋謹之簡端錄
已卯地震

經書地震者五昭公之世再見

孔義

秋齊高發帥師伐莒

時郊公在齊庚與不事齊故也

孔義

冬塋許悼公

弑而塋者尚多有之未必赦止

野編

二十年春王正月

夏曹公孫會自鄭出奔宋

鄭穀作夢
鄭曹邑

會子臧之子也公公孫也自其邑出也

野編

秋盜殺衛侯之兄縶

公穀作
輒公孟

以衛侯之母兄而盜得殺之無政刑矣

孔義

責在衛而

不在盜則盜不必名左氏謂求名而不得未聞殺人

犯上以求名者

木訥

以周事子而歸死于公孟此宗魯

所欲求之名也而卒以盜稱故曰求名不得

邵寶

冬十月宋華亥向寧華定出奔陳

寧公作寡

宋惟有華向爾安得有公今何以偕出也攷之宋元公為魯如晉卒于曲棘蓋憤強臣而強主威者三卿連彙可謂衆矣然主權未移不可為衆也天下諸侯有如是君者死亡之憂吾知免矣景如是君陳氏何以有齊頃如是君趙氏何以有晉傳謂元公無信而

多私厚誣賢者

野編

君子違不適讐國陳宋之讐也三

大夫往奔是欲依陳以為亂也

私考

十有一月辛卯蔡侯廬卒

左作廬平公卒子朱立

二十有一年春王三月葬蔡平公

夏晉侯使士鞅來聘

書聘止此

宋華亥向寧華定自陳入于宋南里以叛

公作畔

凡叛有入于戚蕭晉陳朝歌者皆不繫之國其所食

私邑也若南里則宋國城內里名故繫之宋亦見叛

臣逼脅其君之甚也

胡傳

秋七月壬午朔日有食之

八月乙亥叔輒卒

輒公作彊叔弓子

冬蔡侯朱出奔楚

朱穀作東悼公東國立

費無極令蔡人逐之也

孔義

公如晉至河乃復

二十有二年春齊侯伐莒

自是莒服于齊矣

孔義

宋華亥向寧華定自宋南里出奔楚

三叛入犯國門出適仇國天下之大惡也傳曰宋公

惡華向即如傳言宋公知所惡矣

野編

大蒐于昌間

公作安

夏四月乙丑天王崩

景王崩子王猛立

六月叔鞅如京師葬景王

如京師止此

以天王三月而葬矣

孔義

王室亂

此特書也太子壽之殂也母弟二人猛也勾也勾經
書天王即敬王也庶長有寵者一人王子朝也王崩
子朝爭立京師大亂非京師亂王室亂也春秋正本
之書也

野編

戴溪曰自入春秋以來周室蓋三亂矣其禍皆生于
父子兄弟嫡庶不明惠王寵子帶幾危世子齊威盟
世子于首止而位定襄王復寵帶出居于鄭晉文公
納王王室遂定向微二伯周室之亂豈減敬之時然

則春秋書王室亂者憫周室之微弱嘆威文之不復有也

劉子單子以王猛居于皇

秋劉子單子以王猛入于王城

以者何能左右之也猛在是矣夫二子者或左之或右之也王矣曷又名之以別子朝也

野編

冬十月王子猛卒

是為悼王弟敬王立

胡旦曰王子猛者仲尼之變文也若獨書子則為魯

公在喪之文若稱王子則是周王庶子之號若言子
猛乃同子般之名若獨書王則是二王之事不言王
猛又與子朝無別故書王子猛上言王則著周王之號
下言猛乃當繼位之文非王無以定君位非猛無以
明嗣君通說昭之二十有二年景之崩年也猛無所繫
之故曰王子猛卒野編

十有二月癸酉朔日有食之

二十有三年春王正月叔孫婁如晉

婁公作舍

癸丑叔鞅卒

晉人執我行人叔孫婍

公穀作舍

武城人取邾師愬于晉晉人來討叔孫婍如晉晉人

執之書執我行人不以其罪也

孔義

晉人圍郊

郊子朝邑也晉為方伯徒以微者帥偏師薄為之援

書晉人圍郊而罪自見矣

孔義

夏六月蔡侯東國卒于楚

悼公卒弟昭侯申立

朱也東國也奔于楚卒于楚固是一人傳不足徵

秋七月莒子庚與來奔

虐而國人逐之齊納郊公不書微之也

孔義

戊辰吳敗頓胡沈蔡陳許之師于鷄父

楚地

胡子髡沈子

逞滅獲陳夏齧

父救作甫逞公作極殺作盈夏齧微舒玄孫

吳伐州來楚帥諸侯之師救之六國先敗楚師遂奔

故不書楚君死曰滅生得曰獲大夫生死皆曰獲此

見吳之強而楚人益弱也

孔義

鷄父之役夷自相攻無

與諸夏事也所惡于夷者為猾夏也

野編

天王居于狄泉尹氏立王子朝

擁悼立敬者劉卷也不書第書曰天王居于狄泉夫

定策之功人臣所不敢居也居之乃為大罪子朝之

立刺尹氏也

野編

八月乙未地震

冬公如晉至河有疾乃復

河下公穀有公字

二十有四年春王二月丙戌仲孫貜卒

孟僖子

婁至自晉

婁見執于晉以禮自持不為所屈及意如逐君而面責之意如有異志而自祈死其魯國之良矣

孔義

婁不

言叔孫前見也

呂氏

夏五月乙未朔日有食之

秋八月大雩

丁酉杞伯郁釐卒

郁公作鬱平公卒子悼公成立

冬吳滅巢

亡郢之始也

野編

吳將謀楚先滅其與國滅州來滅巢

滅徐滅沈滅頓皆楚之與也

木訥

墓杞平公

二十有五年春叔孫婁如宋

夏叔詣會晉趙鞅宋樂大心衛北宮喜鄭游吉曹人邾

人滕人薛人小邾人于黃父

詣公穀作倪晉地即黑壤大心公作世心

謀王室也于是敬王立三年矣越在狄泉儻然西望

曰伯父尚胥顧予而大夫實會猶曰明年將納王故

黃父之會春秋無美辭也

野編

有鸛鵒來巢

鸛又作鵒
公作鸛

魯故無鸛鵒

野編

鸛鵒不踰濟而至魯豈非氣自南而

之北之驗哉當此之先楚雖為中國患而齊晉猶足

以抑之自此之後晉伯不競吳楚越皆以南夷迭主

夏盟諸侯事之則知鸛鵒來巢之異不特昭公出奔

之兆而已

張氏
集註

秋七月上辛大雩季辛又雩

旱太甚矣

野編

九月己亥公孫于齊次于陽州

己亥穀作乙亥陽公作楊

昭公謀去季氏不克而棄國

日抄奔也以為孫爾季孫

意如出君矣或曰東門氏行大事衛之孫甯改立君
季孫皆無之以自孫為文公自取也曰不然凡行大
事者有所求也政自之出久矣又何求乎夫意如之
情可知已齊楚淮夷其三窟也晉之從政者范鞅知
蹠亦皆與之既得其政又攝其祭者八年此工于竊

國者也事之起也禘于襄公萬者二人其衆萬于季氏故臧孫卬孫奮其謀子言之矣是可忍也孰不可忍正指此事蓋比之弑也

野編

齊侯唁公于野井

齊地

夫以千乘之君窮來歸我而虛辭慰藉又不于國都

于野井其終也已不待子猶之貨也

野編

冬十月戊辰叔孫婁卒

昭子

昭公在外而特書日以卒表賢也

孔義

十有一月己亥宋公佐卒于曲棘

宋地元公卒于景公頭曼立

于鄆善鄭伯也于曲棘善宋公也則魯之故梁丘據

曰宋元公為魯如晉卒于曲棘叔孫昭子求納其君

無疾而死此雖巧言遂為魯事實錄矣

野編

十有二月齊侯取鄆

取之為己有以居公也故取繫于齊

孔義

二十有六年春王正月葬宋元公

三月而葬

三月公至自齊居于鄆

夏公圍成

此圍者齊師公安得有師而曰公圍成畧之也齊不

足道也

野編

秋公會齊侯莒子邾子杞伯盟于鄆陵

鄆陵之謀魯黃父之謀王室齊晉一道也

野編

參盟自

齊桓以來未之有也于是再見晉不復主盟也

孔義

公至自會居于鄆

九月庚申楚子居卒

平卒昭立

冬十月天王入于成周尹氏召伯毛伯以王子朝奔楚
五年而小定朝猶在也經書天王入于成周不言納
之者也傳曰晉知躒趙鞅納王入于成周經書尹氏
召伯毛伯以王子朝奔楚從亂有召伯也傳曰召伯
盈逐王子朝逆王子尸傳如可信則經為疎矣是亂
也實尹氏召毛與劉單為敵不勝而走晉楚皆未勤

師也

野編

二十有七年春公如齊

公至自齊居于鄆

夏四月吳弑其君僚

僚弑公子光立是為閔廬諸樊之子也

吳子光弑僚而稱國何也僚越光而代札是自禍也

故弑不書主名

孔義

傳載僚事大非人情是時僚數用

兵國人怨之故弑僚而還國于光光之與聞乎弑則

未可知也季札之賢不一問其死欲信浮說而還責

以大逆聖人所不敢且存疑可也

畧記

楚殺其大夫卻宛

卻公作却

秋晉士鞅宋樂祈犁衛北宮喜曹人邾人滕人會于扈

外大夫
自為會

謀魯也鄆陵齊侯親在無若公何扈之諸大夫猶我

大夫也豈有望哉

野編

冬十月曹伯午卒

悼公卒子
聲公野立

邾快來奔

邾叛臣也賤而書誅季氏也

孔義

公如齊

公至自齊居于鄆

二十有八年春王三月葬曹悼公

六月而葬

公如晉次于乾侯

晉地

于是違齊即晉矣

野編

夏四月丙戌鄭伯寧卒

公作寧定公卒獻公黃立

六月葬鄭定公

三月而葬

秋七月癸巳滕子寧卒

公作寧

冬葬滕悼公

二十有九年春公至自乾侯居于鄆齊侯使高張來唁公

公如晉次于乾侯

夏四月庚子叔詣卒

叔詣欲納公而卒

補程傳

秋七月

冬十月鄆潰

畏季而潰也公無歸矣

野編

三十年春王正月公在乾侯

是晉之寓公也春秋曰我公也在乾侯也

野曰公在編

乾侯所以存公也

蘇氏

夏六月庚辰晉侯去疾卒

頃公卒子定公午立

秋八月葬晉頃公

三月而葬亦大夫之簡其君也

日抄

冬十有二月吳滅徐徐子章羽奔楚

羽公作禹

三十有一年春王正月公在乾侯

季孫意如會晉荀躒于適歷

晉地

其謂之會何為可以執之也晉嘗執季孫意如于平

丘矣若執諸適歷豈不堂堂乎伯討哉

野編

夏四月丁巳薛伯穀卒

獻公卒于襄公定立

入春秋以來惟莊三十一年書薛伯及此始書名

高氏

晉侯使荀躒唁公于乾侯

躒公穀作標

罪晉也陰交其臣陽唁其君

孔義

秋葬薛獻公

亦始書葬

集註

冬黑肱以濫來奔

肱公作弓

邾黑肱也脫邾字

野編

邾快黑肱相繼來奔季孫當國

以類至也

孔義

十有二月辛亥朔日有食之

三十有二年春王正月公在乾侯取闕

蓋鄆潰季孫以闕輸公取之而弗居也

野編

闕魯羣公

墓所在公不得奉宗廟祭祀而先君墳墓所在特以

取書著賊臣據國拒君之罪也

孔義

夏吳伐越

吳越構兵始此

野編

秋七月

冬仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周

世叔叔作太叔公莒人下

有邾婁人叔有邾人世叔申世叔儀之孫國參子產之子

脩子朝之黨也守不在四夷在王都矣

野編

諸侯不勤

王事久矣今猶能從王命以安王室衰世善事也

孔義

張溥曰惠王寵子帶齊桓公盟首止不煩言而世子位定襄王出居于鄭晉文公納之踰年而王室安敬王之亂數年始靖時無伯也然晉頃會黃父晉定城成周二君猶能知義君子姑進之矣

十有二月己未公薨于乾侯

孫于陽州薨于乾侯中間所書皆誅意如也

野意如編

之逐昭公也狡矣始而公伐之也陽為不敵請盟請

亡以緩公而待兩家之援公既出矣請改事君稽首
叔孫僞求復公公之奔齊晉也則賂齊晉公之在外
也則車馬遺于外齒及君則憂恤之言不絕于口君
之左右衣屨不絕于餽是以內有逐君之實而外連
強大結歡羣小昭公昏庸不斷忠言不入卒之大行
而不返也悲夫

解郝

春秋平義卷十